


成都舊志

成都市地方志編纂委員會
四川大學歷史地理研究所 整理



清·李玉宣等修 衷興鑑等纂 莊劍校點

同治重修成都縣志
(下)

清同治十二年刻本

知

學

PDG

同治重修成都縣志卷第九

列女志第九下

節婦

葉廖氏。從九廖廷貴女，葉俊貴妻。夫歿，遺腹生子菁莪，事繼姑，能得歡心。守節三十三年。

曾鄧氏。鄧雲峯女，適曾保元，生子翰達。夫故，遺腹生子翰薦。氏年纔二十，矢志撫孤，備歷艱辛，子皆成立。苦節三十一年。

劉李氏。附生李榮宗女。年十七，歸劉心正，生子紹根，甫週歲，夫歿，上有衰姑，下有孤子，勞心彈慮，孝養無虧。守節二十五年卒。

鄧黃氏。鄧昇英妻。有子二。夫故，矢志守節，教子不事姑息。長秉蛟，入邑武庠。次秉謙，援例國學。貞操三十四年，壽六十。

戴韓氏。韓世榮女。年十九，適戴作綱，生子瑤賓，甫二齡，夫故，矢志冰操，教子成立。守節三十一年。

戴溫氏。戴天俊妻。夫故，遺子作霖。氏茹苦含辛，撫之成立，得孫數人。歷節四十一年，壽六十有六。

楊賈氏。賈紹東女，楊銘妻。夫故，家貧，撫子福疇，教以讀書，宗祧不絕。守節三十一年。

尹袁氏。灌縣袁坤元女，誥封武功將軍尹善堂側室。幼時從父讀書，深知大義。善堂卒時，氏年二十三，矢志守節，老而彌堅。善堂孫沛霖為請五品封典。

焦王氏。焦澤篷室。生一女。夫歿，苦志守節，始終不渝。正室有子，愛如己出。守節三十九年。

尹白氏。華陽縣人白鳳女。年十八，協鎮銜尹濟川聘為側室。氏孝行出於天性，幼時母病，割股療之。濟川卒，矢志守節，凜凜清操，至老不易。濟川子沛霖為請五品封典。

李彭氏。分司李廷春妻。夫故，遺三女。家貧不能自養，歸寓胞兄邑文生彭運會家，針黹謀生，撫女成立。苦節十九年，卒。

岳劉氏。世襲輕車都尉宜昌鎮總兵岳廷榆妾。廷榆歿，氏年十九，矢志守節，撫嫡子肅成立，承襲。及肅夫婦前後卒，撫嫡孫維勳成立，歷任參將。累封太淑人，晉封夫人，壽七十有六。

張吳氏。張國慶妻。夫卒，遺子女各一。子名銓，纔四月，家無立錐，乃歸母家，以紡績供贍粥，撫子女成立。

韓李氏。韓經揚妻。十九于歸，生子世榮甫八月，夫卒，氏年二十二，矢志撫孤。守節四十七年。

葉戴氏。天全州學正戴一清女，葉宗黃妻。生二女，夫亡，撫侄孫大儻為孫，以延宗緒。

朱韓氏。韓世榮女，朱應灋妻。生子昌發、昌明。夫歿，矢志守節，不以家貧易其貞操。

卿馬氏。年十二，歸萬一為養媳。翁病，奉養維勤，事老姑尤孝，生子雲。夫歿，氏年二十二，小姑迫使他適，不為動，奉姑以終。苦節三十餘年。

① 下：原無，據卷首目錄補。

② 冰：原作「水」，據文意改。

③ 萬一：據本卷體例當作「卿萬一」。

周姚氏。江蘇丹徒進士、任直隸南皮知縣姚金符女。年十八，適周喧。甫二載，夫歿，苦志撫孤子，旋歿，乃撫姪以續宗祧。守節三十一年。

王劉氏。劉天慶女，王世華妻。生子澤溥。夫卒，氏年二十二，其姑勸改適，不從，資女工自給。子娶，未幾又歿，遺孫炳元，媳欲攜兒去，氏力持不與。婦既去，氏獨撫孫。守節三十二年。

張沈氏。沈興富女，張洪修妻。夫卒時，氏年二十二，遺子開祿僅二齡，誓志撫孤，竭盡心力。守節三十五年。

彭王氏。職員王鳳嗣女，彭志鴻妻。夫卒，氏欲殉，妯娌勸以宗嗣為念，徒死無益。子朝漸，長遵母教。

謝郭氏。謝廷貴妻，郭天鳳女。生子、女各一。廷貴歿，氏年二十二，誓志守節，事孀姑，能得歡心。子旋歿，無嗣。守節二十四年。

鄭張氏。鄭國寶妻。生子家亨，未離襁褓。夫歿，矢志不渝，教子以耕以讀，克承家業。守節已逾五十歲。

鄭董氏。鄭國楨妻。有子家鑫。居恒以禮自防，雖至戚罕觀其面。夫故，教子成立，益勵冰操。

吳王氏。王德昌女，吳正明妻。夫歿，矢志守節，事舅姑，克盡婦道，教子國炳，不事姑息。苦節三十七年，壽六十有一。

傅張氏。傅泰亨妻。早寡，勵志撫遺子永欽、永昌，課督甚嚴，家事悉聽尊長經紀，不肯強置一辭。守節三十七年。

羅郭氏。羅興朝妻。生子永清而薨，立志撫孤，事親能承意旨。偶有不繼，賴氏十指以爲小補。守節已逾五十歲。

鄭雷氏^①。鄭國相妻。國相體素羸多病，氏多方調理，醫藥俱窮，竟卒。氏年二十三，撫姪家樹承祧，育孫汝昌。守節四十四年。

黃周氏。周承祚女，從九黃棟妻。家計淡泊。夫卒，愈形支絀，早夜勤劬，竭盡心力，撫子元吉成立。守節三十年。

王朱氏。朱奇祥女，王正芳妻。年二十二，夫卒，子定科甫四齡，氏勵志撫孤，善處妯娌，咸黨咸欽仰之。守節三十四年。

李嚴氏。李如椿妻。如椿好讀書，未達，嬰疾死。氏生子二，皆幼。翁姑睹孫思子，輒淚不止，氏益感，躬教子讀。長子械，得列膠庠。守節三十八年，壽六十有六。

張廖氏。井研縣教諭廖熙元女，張德宣妻。生子克謙。夫卒，氏誓節撫孤，嚴慈並用，處家以禮，內外肅然。克謙壯，遵例貢成均。

周趙氏。周承祚妻。夫歿，痛不欲生。以宗祧故，勉爲經紀一切。撫子永懷，督課甚嚴，同治壬子科舉於鄉。氏年五十八歲卒。

王楊氏。王定科妻。生子慶中，僅數齡，夫卒，氏甘貧勵節，衰姑在堂，奉養周至。子壯，爲授室，得數孫。貞操三十六年，壽六十有一。

馮李氏。李昌秀女，馮景華妻。平居言笑不苟，夫故，益貞靜，奉親教子各得其道。歷節四十六年，壽七十餘。

吳夏氏。吳朝選繼室。生子鳳翥、鳳詒。吳卒，矢志《柏舟》，養親教子，劬勞備至。子就學，以紡績供燈火。每夜，機聲軋軋，織不輟，讀亦不敢息。二子皆以廩膳舉優。守節三十年，壽六十餘。

吳葉氏。吳成章妻。夫歿，矢志守節，撫姪宗祿爲嗣。姑氏楊病，刲股合藥以進，籲天願身代。後事繼姑，亦能得其歡心。貞操五十三年。

蕭鄭氏。鄭紹儒女，蕭芬側室。于歸數年，得子宗鈴。迨蕭卒，氏誓不二天，勤劬撫子，事女君敬恭有禮，不敢以有子自尊。守節二十七年，年逾五十餘。

賴黃氏。黃明瓚女，監生賴天華妻。夫死守節，年僅十九，遺子琮、瑞、颺，皆幼，盡心鞠育，嚴慈並用，奉舅姑，克盡誠孝。守節五十二年。

^① 此條與卷八《節婦》鄭雷氏條重複。又文中「家樹」，前條作「嘉樹」。

張馬氏。張大勳妻。夫故，氏年二十，矢志堅守，不二所天，撫三子成立。長仁剛，軍標外委。次仁己，從征江南陣亡。苦志四十餘年，壽七十有五。

練張氏。張榮陽女，練維澧妻。夫故，遺腹生一女，撫姪懷棟，以續夫嗣。守節四十七年。

葉薛氏。薛成遷女，葉祖東妻。于歸三載，夫故，貞操不二。守節二十年，卒。

張楊氏。楊文美女，張炳瀛繼室。孀居時，年二十二，家窘甚，以針黹謀生，孝養老姑，撫卹幼子。前室有子錫鑫，以養以教，不事姑息，遂得遊泮。

龔王氏。幼字龔志鏡，年及笄，志鏡病劇，乘病娶。女子歸五十五日，實未成婚。夫歿，既葬，父母欲另擇配，女不可，曰：「既廟見即成婦矣，易節可乎？」撫子文選承嗣^①。守貞二十二年，卒。

熊王氏。王芝賓女，熊自福妻。夫卒，撫數齡子，執一不變，艱苦二十四年，現年五十一歲。

王余氏。余勳之女，適王芝章。夫故，撫子裕全兼嗣。守節三十三年，現年五十有八。

王傅氏。傅敏泰女，王裕興妻。夫故，劬勞撫孤。姑羸弱，賴其保護，得享遐齡。勵志二十五年，現年五十有一。

王朱氏。朱潔女，王永柏妻。年穉而嫠，親老子幼，食貧自守，苦辛三十五年，壽六十餘。

陳王氏。知縣王厚菴女，候銓從九陳天泰妻。曾割腕療姑病。夫卒，遺二子一女，俱幼，氏撫之成立。長子謙，從征戰歿。守節二十一年，現年五十歲。

舒廖氏。廖誠忠女，舒敬如妻。早寡，勵志撫子昌乾、昌壽。現年五

十餘。
賴舒氏。舒永泰女，賴攸文妻。生子澤銓。夫故，甘貧勵節，壽六十餘。

朱秦氏。秦廷桂女，朱忠智繼室。孝事舅姑。夫故，撫所生子緒和及前室子，劬勞並至。現年五十六。

郝陳氏。陳千萃女，郝于廣妻。夫故，艱苦備嘗，撫子成立。現年五十有一。

劉何氏。何應剛女，劉澤基妻。生子繼椿、繼松。夫故，誓不二志。現年五十有一。

黃張氏。職員張有光女，監生黃家龍妻。夫歿，矢志不二。子道禹，長貢成均。現年五十七。

黃劉氏。黃家麟妻。夫卒，矢志守節，撫姪雲錦、雲煥為嗣。雲錦，華陽生。雲煥，業儒。年五十歲。

張李氏。張學仲妻，附生張雲閣母。苦志執節，壽七十餘。

羅鍾氏。鍾明安女，解元羅文光妻。夫卒，子習經復殤，撫孫正先承嗣。壽六十餘。

袁周氏。從九周惠南女，平番都司袁玉春妻。玉春從征廣西陣亡，撫姪為嗣，食貧自守。現年五十。

袁蕭氏。蕭清源女，把總袁廷揚妻。廷揚從征貴州戰歿，子僅數齡，矢節撫孤。現年五十。

袁郭氏。郭大林女，袁春明妻。夫卒，苦志守節。現年五十有六。

任王氏。王師元女，任世清妻。夫卒，不二所天，奉親終老，教子成人。現年五十。

^① 子：疑當作「姪」。

胡鍾氏。鍾紹賢女，胡維樸妻。夫卒，與妾劉氏共勵貞操。現年五十五。

胡劉氏。劉剛直女，胡維樸妻。生子融道。夫卒，同正室鍾氏撫子成立。現年五十。

李陳氏。陳福應女，李萬通妻。夫故，立志不二，奉舅姑以孝聞，撫子成立。壽七十餘。

戴曾氏。曾林華女，戴成森妻。夫卒，誓不二天，撫子成人。現年五十二，孀操二十四年。

洪謝氏。謝義興女，洪有信妻。夫卒，遺腹生子蘭言，家貧不易所守。壽六十餘。

陽廖氏。廖興廷女，陽達權妻。夫卒，鞠育遺孤，矢志守節。現年五十。

崔楊氏。楊載德女，崔元德妻。夫卒，撫子召南，苦心立節。壽六十餘。

傅王氏。王永材女，傅永忠妻。夫卒，撫遺孤，堅心耐性，始終不渝。現年五十一歲。

徐何氏。何一超女，徐登龍妻。生子義發而養，甘貧茹苦，撫子成人。現年五十二。

錢張氏。張宗文女，錢金鑑室。夫病，割腕肉藥之，踰數年，夫卒，撫孤成立。現年五十有二。

沈汪氏。汪懷貴女，沈國儀妻。夫故，遺子廷璜，織紵自資。現年五十五。

李王氏。王良芳女，李廷嵩妻。年少而養，持節靡他。子遇道已官都司。現年五十六。

趙米氏。米中和女，趙崇德妻。夫卒，遺子又歿，往依壻家，甘心苦

節。壽六十餘。

蕭王氏。王永善女，蕭喬貞妻。夫故，遺子吉泰，纔數歲，苦志立節。壽六十餘。

陳蕭氏。蕭喬貞女，巡檢陳有玉妻。性貞靜，不苟言笑。夫卒，撫孤孔昭成立。現年五十歲。

陳封氏。廩生封壻女，文生陳文韜妻。夫歿，撫子燮陽，由附生保舉訓導。壽六十餘。

白蔡氏。蔡雲端女，白俊照妻。夫故，撫姪為嗣。壽六十餘。

陳彭氏。彭子仲女，陳錫田妻。夫卒，勵志守節，奉親教子，各得其道。現年五十有二。

張楊氏。州同楊庭釐女，筠連教諭張拱兆妻。生子極聰、極謙。夫卒，矢志不渝，節操清卓。現年五十。

程向氏。程慧妻。夫歿，遺子元祚，艱苦備嘗，撫之成立。壽六十餘。

廖鄧氏。把總鄧起龍女，廖淵道繼室。生一子，遽寡，矢志守節，撫前室二子及己子，俱各成立。現年五十七。

陳淡氏。淡瑞南女，附生陳應璧妻。生二女而養，上有翁姑，藜藿之俸，賴氏女紅。逮親歿，二女亦歿，歸依母家，甘心苦節。現年五十六。

郭劉氏。郭自修繼室。夫故，矢志勵節，撫所生及前室子，惠愛如一。其家媳亦孀，共勵貞操。現年五十歲。

郭汪氏。郭立綱妻。夫故，遺子厚光。事姑極孝，族戚稱賢。現年五十。

徐劉氏。徐星開妻。結縭二載，夫歿，遺腹生子光焯，甘貧守節。現

① 俸，當作「奉」。

年五十三。

張黃氏。黃大相女，張炳興妻。夫故，盡心撫育遺孤，立志不二。現年五十四。

陳郭氏。郭宗龍女，陳謹厚妻。夫故，撫子同瀛成立，官巡檢。壽六十餘年。

劉宋氏。宋凝春女，劉衡惠妻。夫故無子，苦心勵節，終養二親，人稱孝婦。壽六十餘。

冉劉氏。劉志廣女，冉文彬妻。生子裕鍾、裕銘。夫卒，鞠育二子成立，艱辛二十八年，卒。

張陳氏。張承燾妻。夫故，時氏年二十，無子，誓志靡他，孝養無違，撫姪垣為嗣，教子成立，官典史。苦節二十七年，卒。

何姚氏。姚啓後女，何恒枝妻。夫歿，撫遺子文鳳、文榜成立，苦節四十七年，後以曾孫占鰲貴，誥贈一品夫人。

黃周氏。周常新女，黃桂枝妻。夫故，舅姑老，無伯叔，事親教子，盡孝盡慈。壽七十有三。

許胡氏。胡慎五女，武署騎尉許贊侯妻。贊侯繼長房孀姑馬氏，與生父母頗不相融，氏周旋其間，感親和協。贊侯從征粵省卒，遺一子一女，竭貲扶柩歸葬，待孀姑^①，與其姊旦氏同苦節者三十四年。

許旦氏。旦含清女，許汝舟妻。夫故，侍孀姑馬氏，撫子成立，與其嫂胡氏歷盡艱辛。守節三十一年。

周陳氏。陳思信女，周永斌妻。夫卒，立志守節，撫子朝忠成立。茹藥三十七年。

賴陳氏。陳應彬女，賴朝龍妻。夫故，遺子培芳，立念靡他。苦志三十九年。

羅李氏。李如治女，羅國佑妻。夫歿，紡績哺孤，立志不二，苦操五

十一年。

馮羅氏。文生馮潤芳妻，羅正明女。年十七而鰥，貞操自持，守節十年，卒。

白王氏。王偉彩女，白占祥妻。夫故，誓撫遺孤以承宗祀。苦節三十五年。

王羅氏。王廷模妻。夫卒，撫幼子湮，守節終身。苦志三十五年。

藍胥氏。藍景曾妻。夫卒，矢志撫孤，貞操不二，歷節三十三年。

任盧氏。任開慶妻。夫歿，遺子尚幼，家赤貧，藉女紅自贍，卒完其節。茹苦三十二年。

段吳氏。段延春妻。夫歿，家貧，藉織紉以奉親撫子，志不少奪。苦節二十七年，卒。

魏楊氏。廩生楊震海女，魏廉元妻。夫故，無子，撫姪為嗣。翁病，刲股療之。守節四十年。

張郭氏。懋功營藍翎外委張忠誠妻。生子繼榮。忠誠從征越嶲夷匪陣亡，矢志守節，撫子成立，應襲雲騎尉。歷節三十六年。

葉楊氏。楊厚基女，葉宗峴妻。生子祖遵，夫故，貞操自矢，苦節二十三年，卒。

何曾氏。前湖南提督曾受女。年十七，適秀山把總何世榮。事翁姑至孝，雖生長富貴之家而持身勤儉。夫歿，矢志不渝，冰霜自凜。子錫章，承襲雲騎尉。

雍王氏。王敬典女，雍秉熙妻。夫故，氏年二十二，矢志守節，遺腹生子續宗。子亡，又撫孫紹文，得延宗緒。

戚鄧氏。鄧洪昭女，戚萬程妻。夫故，遺二子廷治、廷忠。氏撫孤守

① 待：當作「侍」，參見下「許旦氏」條。

節，始終不渝其志。

余陳氏。 陳開基女，年十七，適余廷煒。夫歿，守《柏舟》操，教子思賢、思賢，克承先緒。苦節三十九年。

王程氏。 程溪南女，年十七，適王玉元。夫故，家窘甚，遺子文賓，僅數歲，度日維艱，氏勤女紅以佐饔飧。苦節三十八年。

喻楊氏。 喻遐齡妻。素寡言笑，夫歿，氏益貞靜，矢志守節。遺子至善，撫之成立。壽七十餘。

陳劉氏。 劉紹堯女。年十六，適文童陳善道。夫歿，遺一子完配。後子媳相繼卒，乃遺一孫，氏復撫之，以延宗緒。

盛劉氏。 盛成章妻。賦性莊重，年二十而鰥，益勵堅貞，撫孤弱以續宗祀。

鍾王氏。 鍾宗淮妻，王登相女。年二十一而孀，冰霜勵節，奉盲目之祖姑，撫弱息之孤子。既而子妖孫亡，雖依堂姪鍾恩厚家，而氏之堅貞始終不渝。

陳趙氏。 趙澍女。年十六，適陳世魁。夫故，遺子治品，氏撫之成立，入伍爲提標披甲。壽七十有八。

來陳氏。 監生陳德煥女，從九來鳳鳴妻。生子登相。夫故，矢志撫孤子成立，援例成均。苦節四十年。

劉胡氏。 胡文成女，監生劉釗妻。夫故，無子，撫姪仕沅爲嗣。計守節四十年，壽六十餘。

周劉氏。 通判劉良選女，周營書妻。夫故，無子，氏矢志不二，依母家守節，始終不渝。

張李氏。 監生李克仁女，歸張汝文。事翁姑，克盡婦職。生三子：問仁、問政、問達，撫之成立。長問仁援例從九，次、三俱業儒。

張王氏。 王世珍女，適張友善。生子尚古。夫故，育子守節，歷四十

六年，壽七十餘。

熊汪氏。 汪成明女，熊正洪妻，保舉儘先藍翎都司、前署阜和都司鎮武之母。夫故，矢志守節，教子成名。壽七十有三。

黃陳氏。 黃德超妻。善事翁姑。夫故，矢《柏舟》操，歷節三十餘年。

張雷氏。 守備張相桓妻。事翁姑以孝聞。夫故，遺子守仁，撫孤守節，以存宗祀。

彭張氏。 彭安都妻。夫故，家赤貧，遺一子甫學步，有姑年老，氏勤女紅以奉，姑得延上壽，育子成立。

唐狄氏。 唐順友妻。夫歿，遺孤五齡，貧無立錫，有姑待給，氏矢志奉姑育子，備歷艱辛。

劉宋氏。 宋時敏女，適劉興松。甫一載，興松故，無子，氏撫姪立嗣以延宗緒。計守節四十年，壽六十餘。

李涂氏。 涂宗泮女，李永盛妻。生子培基。夫故，矢志冰霜，育子成立。

楊張氏。 張卿彩之女。年十七，適楊培，生子萬齡。夫故，氏年二十，子甫一歲，上有六旬祖姑，家窘甚，氏紡績以供甘旨。祖姑歿，喪葬盡禮，教子及孫，家亦小康。苦節三十六年。

柳王氏。 王註女，年十七，適柳萬青，生子元遵。夫故，矢志靡他，事翁姑得其歡心，子成立，援例縣丞，女適通判蔡錫麟。計守節三十八年。

何葛氏。 何燦發妻，文生葛本恬女。賦性慈和，善事翁姑。夫歿，無子，不願改適，依姪世榮，矢志不二。

周廖氏。 周宗鳳妻，把總周瀛之母，廖英芳女。年十七，歸宗鳳，生三子。夫故，矢志守節，善教子，長成名，次、三各勤其業。

田張氏。 增生田疇之母，張祥之女。年十九，歸春鴻。夫歿，善事姑，生盡養，歿盡禮，教子成名。壽六十有八。

薛范氏。范訓女。年十八，適從九薛加善。夫故，矢志守節。家貧，日勤女紅，善事翁姑。翁姑歿，殯葬如禮，撫子鳳章成立，里黨咸稱其節孝。

楊王氏。王熙高女。年十七，適守兵楊貴，生子長發。夫故，家貧，撫育幼子，矢志不渝。

沈桂氏。沈世堡妻，桂芬女。年十九，歸沈。甫一載，夫歿，氏年二十，矢《柏舟》操，撫姪以續宗祀。苦節三十餘年。

郭趙氏。趙文煥女。年十九，適郭自順。夫故，年二十三，遺一子立基，撫養成立。計守節三十餘年。

羅蕭氏。蕭仁先女，羅寶緯妻。年十九于歸，生子載修。夫故，氏年二十三，矢志靡他，守節四十四年。

戴蕭氏。蕭仁先女，戴順秀妻。年十六于歸。夫故，遺子祖陞，撫之成立。守節三十八年。

戴詹氏。戴順連妻，詹隆先女。年十八，適戴，二十一而孀，氏冰霜自凜，撫遺子祖陞。歷節四十四年。

廖李氏。廖鴻喜妻。賦性恬靜，言笑不苟。夫故，益檢束，冰霜勵節，撫養遺子，以續宗祀。

廖游氏。游光華女，適文童廖治元。夫故，遺二子觀源、觀潛，撫之成立，均援例國學。計苦節四十三年。

陳鄧氏。鄧熙生女，適陳國瑞。甫一載，夫故，矢志不二。壽至九十一歲。

范孫氏。處士孫匯元女。年十七，適范培元。夫故，無子。家貧，甘心守節，以女紅佐饔飧。壽七十有三。

來朱氏。朱德隆女。年十八，適來榮陞。夫故，矢志不二。計守節四十八年，壽至七十五。

樓周氏。處士樓貞發妻，貢生周宗任之妹。貞烈性成，不苟言笑。

夫故，斷髮自誓，不二所天。壽七十有八，苦節五十一年。

張章氏。張建邦妻。年十六而于歸，甫一載而夫故，青年勵節，之死靡他。卒年二十有七。

余傅氏。傅宜義女，適余際朝為妻。夫故，遺三女，乏嗣，撫姪懋常，娶媳。後夫婦相繼亡，又撫子懋品以延宗緒。三女適人皆得所。苦節四十年，壽六十九。

鄭麗氏。處士鄭君磐妻，增廣生鄭國治之母。事翁姑，克盡婦道，教幼子寓慈於嚴。苦節三十餘年。

馬姜氏。姜白樓女。年十九，適馬新山。夫故，無子，矢志不二，以女紅度日，冰霜自凜，從無怨言。壽六十七。

葉陳氏。陳先甲女。年十七，適葉正琨，生子宗枯。夫故，氏年二十，撫孤守節，教子教孫，不吝修脯。孫祖濟、含章，均列膠庠，人以爲苦節之報。壽六十有四。

陳楊氏。陳應泐妻，楊斌女。年十七，歸陳，生子蘭英。夫故，氏撫子守節，子旋歿，又撫姪柏英為嗣，宗緒賴以不墜。

范孫氏。孫蕃慶女，適范士毅。夫故，家窘迫。或勸改適，氏斷髮以誓不二。

陳周氏。歲貢周宗任女，文生陳德昌妻。賦性恬靜，頗知大義。夫故，甘貧守節，矢《柏舟》操，歷節三十餘年。

鍾廖氏。鍾宗椿妻，廖珍女。年十五歸鍾。夫故，年十八，矢《柏舟》操，苦節四十四年，壽六十一。

王趙氏。趙闕女。年十九，適王仕興。夫故，遺三子，撫之成立，先後入伍。長青雲，儘先把總，出師安徽陣亡，次棟雲，承襲雲騎尉，三子明章，儘先都司。氏卒年四十八，守節二十一年。

劉胡氏。劉良顯妻。夫故，孝養以事翁姑，嚴慈以撫幼子，里黨欽

之。

趙胡氏。趙開芹妻。年十九，適趙，生子春祺。夫故，年二十一，清操自凜，上事翁姑，下撫幼弱，孝慈兼盡。卒年三十九。

吳傅氏。吳廷槐妻。賦性貞靜，寡言笑，尚勤儉。夫故，守節始終不渝。

謝喻氏。喻集和女。年十六，適謝溶，生子上模。夫故，年二十，矢志撫孤，冰霜自凜。年四十三卒。

高劉氏。劉高俊女。年十九，適孝廉高壩之子高祖愷，生子德膏。夫故，年二十二，矢志靡他，事翁姑以孝聞。卒年三十有九。

張李氏。文生張煒妻，李正華女。年二十，適煒，生子世德。夫故，矢志雪心以完貞操，苦節十二年卒。

賈吳氏。賈裕義妻，吳存義女。適賈，善事翁姑，能曲意承順。夫故，矢志守節。逮翁姑歿，喪葬盡禮。壽六十有八。

李賈氏。賈長春女。年十六，適李萬望。夫故，年二十二，矢志不渝。其二子相繼卒，遺孫變，氏撫之以續宗祀。壽七十九。

李蔣氏。蔣文仲女。年十五，適李忠敏，生子變。夫故，年二十四，矢《柏舟》操，奉姑至孝，教子變成名。守節三十四年。

李王氏。王日瑜女。年十六，適李鼎。夫故，家窘甚，甘貧撫孤。子故，遺孫，孫又故，復撫重孫成基，現已成立。苦節三十一年。

章陳氏。章小芸妻。夫歿，家貧，無子。翁姑歿，拮據萬狀，變賣一空，安厝後，貧如水洗。族中無可依倚，乃回母家，紡績度日，歲時拜掃，嘗有餘哀。守節三十年。

楊馮氏。夫楊一元。

王李氏。夫王正中^①。

喻張氏。氏適喻廷選，甫十六歲，越七載而孀，撫子德偉、德良，教以

義方。歷節四十八年。

范鍾氏。鍾榮光女。年十九，適范文彬。善事翁姑。夫歿，矢志不渝。撫子正涵成立，延師課讀，不惜重金。孫釗，庠生。計守節六十四年，壽九十餘。五世同堂。

賴王氏。王應都女。年十九，適賴聯三，孝事翁姑。夫故，守《柏舟》志，延師教子，不吝修脯，子如璋得遊膠庠。計守節六十餘年，壽九十餘。五世同堂。

崔周氏。周延彩女，崔宗金妻，巡檢崔澍之母。夫故，矢志靡他，勤劬撫孤，以養以教，至於成名。

曾金氏。金如章女，曾國春妻。夫故，矢志守節。事姑孝，教子海珊成立。冰霜自凜四十餘年。

吳鄧氏。鄧詒謀女。年十八，適吳宗規。二十歲，夫故，氏素性端莊，至是愈加檢束，教子長春，嚴慈兼盡，今已成立。計守節四十一年，壽七十餘^②。

葉廖氏^③。廖廷貴女。年十六，適葉俊貴。十九歲，夫故，遺腹生子菁我，清操自守，教子成名。

蕭吳氏。蕭大明妻。夫歿，無子，僅遺一女，氏誓志不二。逮女嫁，又亡，倚壻終老。守節五十三年，壽七十有六。

劉王氏。王永槐女。年十九，適劉順德。夫故，家貧，矢志不二，勤女紅以奉老姑。教子家寶極嚴，子亦勤奮有為，能遵母教，迄今家亦小康焉。

劉藍氏。藍宗泮女。年十九，適劉德盛，生子永清。夫故，冰霜勵

① 此二條原文當脫載其事迹。

② 七十餘：據上文所述計算當有誤。

③ 此條重複，又見於本卷卷首「葉廖氏」條。

節，歷久不渝，教子以振家聲。

王周氏。從九王家景之妻。性賢淑，事翁姑至孝。夫病篤，割股和藥以進。夫歿，無子，撫姪志樂爲嗣。子又歿，撫孫朝盛成立。守節四十五年。

葉楊氏。葉宗詒妻，楊福美之女。年十九于歸，先撫夫兄宗誠之子祖祁爲子，後又生子祖陳。夫故，時氏年二十五，矢志靡他，撫子祖祁入邑庠，祖陳成立。守節二十四年卒。

廖張氏。廖觀祚妻。于歸四載，夫故，無子，氏戀孀姑不忍去，撫堂兄之子爲嗣。矢志貞操，歷節二十九年卒。

何陳氏。舉人陳紀之女。年十九，適從九何雲彩爲繼室。夫故，無子，撫姪天敘承桃，奉孀姑，人稱其孝。卒年三十六。

李汪氏。李慶元妻。年十六歸慶元，生子登瀛。夫故，年十九，矢志靡他。家極貧，翁歿，喪葬盡哀盡禮，事姑尤孝。苦節三十一年。

喬尹氏。尹邦華女。年十六，適喬成謨。夫故，年二十一，矢志不渝，孝事翁姑，教子樹森、樹枏均成名。苦節三十一年。

陶劉氏。劉國器女。年十八，適陶以珩。甫八月，夫故，矢志冰操，撫兄子登輝爲嗣，事翁姑盡養盡禮。計守節五十一年，壽至七十。

李黃氏。黃佳珍女，年十七，適李友文，生子春森。夫故，矢志撫孤，清操自凜，事翁姑克盡孝道。及歿，喪葬如禮。壽七十餘。

蕭盛氏。邑庠生盛履端女。年十九，適文生蕭樹棠爲繼室。賦性貞烈，夫故，益堅白自勵。撫子宗樑，延師課讀，不吝修脯。子宗樑選授江蘇鎮洋縣典史。氏卒，年五十三。

徐江氏。江毓秀女。年二十，適徐步瀛，善事翁姑，得其歡心。夫故，矢志靡他，歷久不渝。卒年四十三歲。

吳沈氏。貢生沈延福女。年十九，適吳銘新爲妻。夫故，氏年二十

一歲，青年勵志，矢死靡他，撫子祖珍以續宗祀。歷節三十三年。

張劉氏。孝廉方正劉方玉女。年十九，適文童張文馥。夫故，矢志清操，善事孀姑，生盡養，歿盡禮。遺子明禮，撫之成立，援例國學。

鄒鍾氏。貢生鍾雅南女。年二十，適千總鄒紹宇。結褵一月，夫出師廣西，在軍營病故。氏聞信，痛不欲生。因翁姑年老，撫姪守節，翁姑歿，喪葬如禮。

傅曾氏。曾竹亭之女，從九傅泰熙之繼室。逮事翁姑，以孝謹聞。夫故，矢志守節，撫前妻之子鴻翔成立，鴻翔亦善事之，人稱其節孝萃於一門。

舒袁氏。拔貢袁紹詩女。年十七，歸文生舒壽椿爲繼室。夫故，遺三子，氏矢志不二，上奉翁姑，克盡婦職，下撫幼子，均得成人。歷節二十四年。

曹陳氏。曹大垠妻。有子長銳，次釗。夫故，矢志守節，事親盡孝，撫子成人。歷冰霜者二十二年。

盛劉氏。劉漢璋女，盛履臻妻。有子世珣。夫故，矢志守節，事親教子，慈孝兼盡。三十三年，不易其操。

劉謝氏。謝逢運女，劉光琳妻。有子時中。夫故，事翁姑尤加謹，守節三十一年如一日焉。

陳王氏。王世榮女，庠生陳懷玉妻。于歸甫六月，夫故，遺腹生子永孝，上有翁姑，生事葬祭，盡禮盡哀。晚年喪子，又復撫成二孫。計守節五十五年，壽七十有三。

王李氏。李遇春女，王勝貴妻。夫故，家貧，以紡績度日，零丁孤苦。守節五十一年，壽六十七歲。

雷唐氏。唐世富女，雷一棟妻。年二十歲，夫故，守節，鉛華弗御，笑語不輕。苦節四十六年，壽六十六。

王陳氏。陳新華女。年十九，歸王泉源。越三載，夫卒，矢志不渝，教子事親，恒得其道。歷節十一年，卒。

張伍氏。張信妻。守節五十二年，壽八十有二。

熊衷氏。前雲南曲靖府知府衷以壩之次女，適儒童熊尚義。夫病，割臂和藥以進，夫歿，氏年二十，矢志不貳，備歷艱辛，守節四十五年，壽六十有五。

王趙氏。原任甘肅甯夏鎮中衛協王得勝長子君錫之妻。夫故，矢志守節，終身不貳。子儒林，邑廩生。孫宗渠，優貢。

王李氏。王得勝三子君璽之妻。夫故，矢志守節，終身不貳。

朱彭氏。彭光耀女，朱德昕妻。事親盡孝。有子維宗、維官。夫歿，家貧，矢志守節，備歷艱辛。

黎葉氏。黎位隆之妻。生子光暉。夫故，家貧，養親撫子，備歷艱辛，卒完其節。

黎曾氏。黎光斗妻。夫故，家貧，遺子僅數歲，饔飧不繼，紡績度日，卒完其節。壽七十餘。

宋張氏。宋應鈔妻。應鈔好施濟，家竟中落。及應鈔故，氏矢志不貳，養姑撫子，備嘗辛苦。子德榮、德華、德祿，俱已成立。

黃楊氏。楊春秀女。年十六，適黃鎮。家貧，孝事翁姑，克盡婦道。有子六人。夫卒，矢志守節五十六年，壽八十有四。子炳堃，邑庠生。孫曾繞膝，親見四代。

陳張氏。張時明女，陳盛秀妻。有子時正。夫卒，矢志守節四十四年，壽六十有九。

袁傅氏。邑歲貢傅潤身女。年十六，適袁樂孔，有子，旋歿。夫卒，矢志守節二十七年。

李嚴氏。嚴象泰女。年十八，適李俊泰。孝事老姑，生子秀瑞、秀

理。夫卒，矢志守節三十三年。

李陳氏。陳思廉女。年十八，適李開泰。姑陳亦孀居，氏孝事維謹。生子秀熙、秀煥，皆爲完娶。未幾，二子俱歿，復同孀媳撫孤孫成立，守節二十九卒。其姑以三十二歲守節，格於例，未獲旌，今已七十餘矣。

王姚氏。姚天德女。王廷魁妻。生子成宗。夫卒，矢志守節，教子成立。

王胡氏。武舉胡聯芳女，府經歷王衛妻。生子建勳。夫歿，矢志守節，教子成立，援例縣丞。

鄭陳氏。陳益新女。年十八，適鄭維純。僅一載，維純物故，遺一子人敬。氏矢志守節，教子成名，現任松潘中營把總。

郭楊氏。舉人安徽蕪湖令楊雲錦女。適成都文生郭康次子郭有壬。夫歿，家貧，矢志不移，傭工度日，晚歲尤賴沈黼卿刺史廷貴暨仲子芝田協助，卒完其節。

周袁氏。教職袁吉女。年十九，適府庠周軫。結縭後，周軫旋病，氏以新婦侍奉湯藥，日夜不遑。僅七十日，夫歿，矢志不渝，上有衰翁，孝事維謹，撫姪以承夫祀。守節十年卒。

楊張氏。張家貞女，從九品楊大本妻。夫歿，矢志守節三十五年，教子宗成成立。壽六十餘。

鄒張氏。張映台女。年十八，適鄒國典，生子正庚。夫歿，矢志守節三十一年，教子成立。

羅任氏。任國棟女，羅德明妻。孝事翁姑，生一女，夫歿，家貧，矢志守節，冰霜自凜。女長，擇配黎雅營遊擊馬沛。

周吳氏。吳朝陞女，周希甯妻。生子輝第、輝煌、輝泗。夫歿，矢志守節四十三年，教子成立。壽七十餘。

廖傅氏。監生傅義位女。年十八，適廖鎔道，生子爲琳。夫歿，暫守

節，爲子娶媳，有孫克仁。子歿，復撫孫成立，勤儉持家，漸致小康。

劉陳氏。陳萬貴女，劉榮俊妻。生子克篤。夫歿，矢志守節三十一年，教子讀書，名列膠庠。

賴蔣氏。蔣育賢女，賴世榮妻。夫歿，矢志守節四十一年，壽六十餘。

鍾陳氏。陳紹虞女，鍾鏞達妻。生子應謙。夫歿，教子成立，守節三十四年。

程張氏。張必達女。年十八，適程熙慶，孝事翁姑。僅一載，夫故，遺一女，氏矢志守節三十三年。

葉鍾氏。葉桂祥妻。夫故，撫姪泰康爲嗣，孝事翁姑，俱臻上壽。守節三十二年。

宋趙氏。趙成模女。年十七，適宋其有。越一載，夫故，孝事翁姑，撫姪綏來爲嗣。守節三十一年。

陳高氏。高山鳳女，陳珣妻。夫故，遺一子二女，撫之成立，悉爲婚嫁。子歿，撫孫鎮，六品藍翎。計守節四十一年，壽六十餘。

王陳氏。陳珣女，王志仁妻。夫故，矢志守節四十六年，壽六十餘。

劉張氏。劉應元妻。孝事老姑，姑病，割臂和藥以進，遂愈，享年八十有八。夫歿，遺一子先德，撫之成立，見二孫。計守節三十年。

魯盧氏。盧登元女，魯興周妻。生子希儒。夫故，教子成立。守節三十七年，壽六十餘。

祝蔡氏。蔡曾珠女。年十八，適祝中山。越二載，夫故，家貧，矢志守節四十六年，壽六十餘。

陳朱氏。職員朱啟福女。年十七，適儒童陳文壽，孝事翁姑。夫故，時氏年十九，矢志守節，撫姪濂楨爲嗣，歷冰霜者三十餘年。

謝宋氏。宋應封女，謝命梁妻。生子召鴻，孝事翁姑。夫歿，家貧，

矢志不渝，教子成立。守節四十五年，壽六十餘。

許董氏。董曰智女，許仕明妻。孝事翁姑。夫歿，撫姪鳳翔爲嗣。守節三十五年，壽六十餘。

黎巫氏。巫紫梅女，黎全隆妻。孝事孀姑。夫歿，遺子湛芳僅三月，氏仰事俯畜，備歷艱辛。守節三十年。

黃張氏。張正富女。年十六，適黃聲遠。越一載，夫歿，遺一女，上有孀姑，老而多病，侍奉維謹，撫姪宗定爲嗣。守節已逾三十年。

李常氏。常懷仁女，李廷華妻。夫歿，遺一子遇祥，矢志守節，艱苦不移。

張李氏。李廷熙女，張立德妻。生子維祥，孝事翁姑。夫歿，矢志守節，艱苦不渝。

秦丁氏。丁榮女。年十七，適監生秦自芸。越一載，夫故，無子，矢志守節，堅貞不渝。

廖馬氏。馬友才女，廖翼翔妻。夫故，遺孤廷槐，氏撫之成立，官崇化營把總，早卒，又無子，氏偕媳江氏堅貞自誓，苦節不渝。

義烈

後漢

趙憲妻玄何。《華陽國志》：「郫何氏女，成都趙憲妻也。憲早亡，無子，父母欲改嫁。何悲憤自幽，乃不食，旬日而死，郡縣爲立石表。」

季漢

宮人李昭儀。《三國志·二主妃子傳》注《漢晉春秋》曰：「魏以蜀宮人賜諸將之無妻者，李昭儀曰：『我不能二三屈辱。』乃自殺。」

晉

許延妻杜氏。《晉書·列女傳》：「延爲益州別駕，爲李驥所害。驥欲納杜氏爲妻，杜氏號哭，守夫尸罵驥曰：『汝輩逆賊無道，死有先後，甯久活！我杜家女，豈爲賊妻也！』驥怒，遂害之。」

唐

李希妻俞氏。《蜀檣机》：「俞有異色。王建克成都，徐瑤虜而逼之，俞氏曰：『吾夫夙嘗爲鄉貢進士，風流儒雅，人比之相如，吾尚以爲非匹。爾健兒也，焉得無禮？』瑤仗劍謂曰：『爾畏此乎？』俞氏曰：『吾甯死，必不受辱。』瑤欲殺之^①，左右謂曰：『城中婦人無限，何必逞暴。』釋之。」

前蜀

劉宮人。《十國春秋》本傳：「不知何地人，鬢髮如雲而有色。秦川之變，行刑者將免之，劉氏以家國喪亡，義不受辱，遂就死。」

後蜀

宮人袁茵。《香聞遺集》：「花蕊夫人侍兒也。國亡，人宋，袁不肯從，過劍閣自投崖下死。」

宋

杜張氏。《蜀人物志》：「靖世通判懷遠軍，夏人入寇，靖世謀徙妻子於長安，妻張氏曰：『甯同死此！』城陷，舉家皆歿。」

元

張郝氏。《元史·列女傳》：「成都張保童妻郝氏，利州高必塔也妻白氏^②，並以早寡，不忍獨生，以死從夫。事聞，悉命褒表。」

明

邱妃。《明史·蜀王傳》：「崇禎末，張獻忠陷成都，合宗被害，至澍率妃妾投於井。」國朝彭遵泗《蜀碧》：「王自沈於井，邱妃從死。」按：一作周貴妃。周與邱聲音相似，而或誤傳耶？

① 殺：原作「釋」，據《蜀檣机》卷上改。
② 高必塔也：《元史》卷二〇〇《列女》一作「高托卜嘉」。

嚴蘭珍。國朝張懋中《四近侍傳》：「蘭珍，華陽人，庠生嚴椿茂之女，本字麗英。崇禎十三年，天下藩府例選民女十人入侍。蘭珍年十六，入選。明年，宮中新建麗春軒，因於選侍內擇才貌之優者，蘭珍拔近侍，王愛幸之，改賜名爲蘭珍。珍與飛鸞俱才色超羣，而珍尤工書法，王耽文學，與四近侍賦詩唱和，悉□蘭珍書以成帙。」十七年八月初九日，獻賊攻城急，闔府洶洶，蘭珍料蜀難保，恐爲賊玷，於晦日昧爽整衣北向再拜，潛度風梳束簪橋，投浣荷池死。」

齊飛鸞。張懋中《四近侍傳》：「飛鸞，華陽人，父珏。年十六，與嚴蘭珍同選入宮，才色超羣，王愛幸之。崇禎十七年八月初九日，獻賊陷成都，薄暮，賊蜂擁入宮，飛鸞知王自盡，仰天一慟，躍入御溝死。」

許若瓊。張懋中《四近侍傳》：「若瓊，華陽人，與麗華同里，又同年生，兩家親愛若掌珠，里中羨爲雙璧。年十六，同選入宮，拔近侍。崇禎十七年八月初九日，獻賊陷成都，若瓊方謀死所，賊已入宮，瓊貌最美，逆闖王宣執以邀功，獻賊大悅，即封順天正皇后。瓊籌思爲王復仇，兆民雪恨，遂僞受封。夜半，設宴寢宮，謂之開宮酒，令瓊陪飲，瓊急持席上銀瓶擊中賊左額，血出縷縷，賊左右欲刃瓊，瓊瞋目怒叱，皆錯愕不敢近。獻賊大怒，手刃其右臂，瓊以左手撻賊，復斫其左臂，瓊眩而仆，臂不絕口，賊衆憐之。」

李麗華。張懋中《四近侍傳》：「麗華，華陽人。工詩文，不苟言笑。父施，與同里許寬義友善。寬義兄嫂早亡，遺女若瓊，與華同年生，美姿容。稍長，寬義約施爲女塾，兩女同讀書，而華又好學。年十二，善屬對，寬義嘗以「吳江月」令對，華卽應曰「漢殿秋」。又云「美人頭上釵」，對曰「帝子釵前月」。寬義曰：「是兒對句，饒有王家氣度，異日當貴君門。」因呼爲漢殿仙。兩家女年俱十六，同選入宮，拔近侍，初名芳華，因軒名麗春，卽以「麗」字改賜今名。王日與四近侍賦詩唱和，華有句云「楊柳綠舒鶯子疾，桃花紅綻燕兒忙」，王亟稱賞，故最爲寵愛，將擢才人。十七年，獻賊復寇蜀，王懼，疾甚，麗華日侍湯藥不懈。時府庫空虛，麗華獻策曰：「盡脫妃侍簪珥，尚可給城中兵民十日之糧。」王因令盡出宮中所有。八月初九日，城陷，逆闖王宣搜索

宮中佳麗，鎖禁密室，以待淫樂。麗華被禁嚴密，遂絕粒五日，不死，次日吞金而卒。賊出其屍，於內城西南隅支解之。」

素馨。《蜀碧》：「王自沈於井，宮人素馨相繼從死。」

王鳴珂妻熊氏。舊《通志》：「成都人。事翁姑以孝，獻賊陷城，執氏逼污，氏曰：「我名家婦，豈屈身從賊耶？」賊遂殺之。」

川西副使張繼孟妻賈氏。舊《通志》：「扶風人。獻賊破成都，繼孟抗節死。賈氏被執，罵賊遇害。」

李氏二女。舊《通志》：「什邡貢生李愛芳女。姊妹適朱氏弟兄。城陷，二朱已先期出。獻賊大收宗藩，二朱知不免，投水死。李氏二女相謂曰：「夫死，安歸乎？」聯袂溺於江。」

國朝

郭陳氏。氏福建閩縣陳立三之女，四川松潘人郭傳世之媳，廩生郭周翰妻。傳世以康熙戊子舉人揀發陝西，署三原縣知縣，旋奉懷遠大將軍岳鍾琪調赴西陲軍營辦事。周翰夫婦偕往省親，值周翰染疾，垂危，氏割股和藥以進，竟不起，氏殮殯其夫，事畢，乘間自縊，時年二十九。遺有刺血書與其舅，求胞姪世承爲後。別父哭夫，俱有詩，甚哀。傳世仍署三原知縣，嘉其志，詳請旌表。其孫蓋臣，成都縣恩貢生。其《自悼》詩云：「痛切愁深淚萬行，前生豈燃斷頭香。殷殷悲慘難言訴，事事悽惶乏救方。畢我殘軀關隴外，葬予枯骨錦城旁。金錢破後終須合，免向人前道未亡。」又雲南曲靖知府衷以壩輓詩云：「當年采苻賦河洲，淑媛仙郎結好逑。豈意蘊枯悲逝水，翻

① □：原稿漫滅不清，疑爲「集」字。
② 以上二句疑有脫誤。
③ 訴：原作「訢」，據文意改。

成燕子泣空樓。金錢剖處腸應斷，白練懸時志已酬。寄語蘭臺揮翰客，好題彤管播千秋。」

向施氏。小字蓉姑，向日啓之妻。隨夫避亂石崗寨。行至薪水，賊至，挾其夫曰：「賊嗜殺，書生攜幼婦，能兩全乎？」行經大池邊，飛身投水死。後婦死處擁出沙洲，至今薪水人稱爲烈婦洲云。

唐馬氏。唐世俊妻。夫故，守節，因惡少季春秀調姦不從，被戕身死，地方官爲請旌表。

王蕭氏。氏年十九，歸邑民王兆富。家甚貧，甫一載，里中無賴韓生辱其夫，見氏語褻嫚，氏羞憤自縊，年二十。案定後旌。

陳劉氏。陳文貴妻。文貴賈折貨，念家落，子女皆幼，憂切成疾，氏竭十指具藥餌。稅居成都較場武邸，同院惡役某豔氏色，且決文貴之必死也，貸以錢，累至三十緡。文貴卒，復爲具喪葬，氏泥首謝曰：「孤兒長，必不忘報。」役遣人陰謂氏曰：「我泉刀來不易，倘相從，悉不與較。」氏驚絕，付曰：「吾入賊子彀中矣。」佯謂來者，稍緩必有以報命。氏葬夫訖，向墓大呼曰：「陳四，陳四，勿患無伴也。」既歸，詰朝門久不啓，同院疑之，叩之不應，破扉入，氏服衰麻自縊，懷中露一紙，乃與其母家兄，略云：「我被逼，恥作禽獸行，今死矣，兒若女，舅善視之，勿使絕陳氏嗣。役某，吾仇也。」闔宅驚歎，房主欲質役於官，役遁去，其兄歛而瘞之。

堵朱氏。氏朱德崇女，歸堵天祿。逾年而夫歿，年十九，孤子靡依，即欲殉夫而腹有所遺。其生母知之，百計諭止。繼舉一男，三齡忽殤，越三日，遂服毒死。

方高氏。永川縣教諭高晉觀女。年十九，適方增倬。未一年，夫故，氏哀慟幾絕，撫姪尚忠爲嗣。氏見宗桃既續，他無所慮，即服毒死。

陳鍾氏。鍾文彬女。年十五，歸陳世容爲簪室。咸豐七年，世容隨大帥出征黔省陣亡，三月二十九日得凶耗，悲痛情切，誓不欲生，忽於四月初四日服毒死，距聞訃纔五日，年二十二歲。咸豐八年旌。

王任氏。王繼高妻。夫病，典質粧奩，盡心調理，竟不起。氏一痛幾絕，性若癡，坐立無定，家人察其有異，晝夜防守。喪葬後，絕粒以死，年十九。無子，以夫弟王者香仕，貽贈恭人。

陳王氏。陳永和妻。夫死，矢志不二。同治元年，竄匪掠鄉村，氏避不及，爲所獲，欲污之，乘間投河而死。

陳戴氏。陳國昌妻。聞竄匪擾境，衣服縫紉殆遍，將自縊，賊突至，扶挽以去。氏叫罵不絕，賊不之顧，給曰：「毋憂我，任所爲。」賊喜，防稍疎，乘間投河死，年二十八歲。

李方氏。李廷卿妻。年二十五，竄匪焚掠鄉村，喊聲四震，逃避無處，恐被污，因率二子投水死。長子永生，七歲。次子士保，四歲。

劉唐氏。劉白斗妻。年三十，賊得之，攜其手，語殊嫺狎，氏罵曰：「汝曹指日赤族，敢侮我耶！」賊憤，投之水，死。

李林氏。林大纘女。年十七，適文生李含次子宗虞，生一子。翁姑歿，宗虞浪蕩無行，謀賣婦，已成約矣。氏偵知，急告父，宗虞懼，遁去，大纘乃攜氏歸。自是宗虞無跡，氏處母家久，因見食指繁，每泣謂人曰：「女子嫁，不能相夫立家，以至飢寒交迫，爲夫所賣，今又累及父母，生不如死也。」忽一日，裹花針一束吞之，急不得死，投水自溺，人驚救之，訊得實，乃歿，年僅二十八歲。

王柳氏。柳元淦女，提中世襲恩騎尉王培安妻。咸豐十年，滇匪竄擾，培安攜氏避亂於彭邑，至金福橋，猝與賊遇，培安逸，氏被獲，賊欲污之，大罵，賊脅以刃，無懼色，曰：「我命婦也，鼠子敢輕薄耶！速殺我！」賊殺之，時年二十有四。

李陽氏。陽向春女，李柱元妻。習書史，工吟詠。柱元歿，誓不獨生，以裡祀未續，爲夫弟買一妾，約生子以存夫嗣，乘間自縊。斂時，身畔檢出《矢志》詩四首云：「在家從父嫁從夫，夫死無從應撫孤。最慘廿年懷蜾蠃，可憐一線繫葫蘆。虧他割愛全兄嗣，愧我偷生學女奴。自此山盟尋舊

約，無勞盡委費號呼。「癡兒撫得過諸識，是否爲夫血食謀。一髮千鈞消俗累，三星半世證冥途。但舒少婦無窮憾，也慰良人未了憂。逐日對靈殊慘切，奈何天理最生愁。」睹他姑姊與諸親，追篤紅羅意倍辛。願作芻靈聊當備，何嫌骨肉頓成憐。一絲獨子祈天祐，兩所孤塋望世珍。亦識餘生留得好，其如羞學未亡人。」自來奇節有奇行，行必驚人節始貞。撫子承桃完夙債，從夫殉葬踐前盟。拚將一死酬先死，何惜今生愧枉生。仗妾承歡偕弟婦，甘心三尺易旌銘。」

馬閔氏。廣東潮州鎮閔懷希次女，甘肅提督馬騰龍次媳，漢鳳營外委馬元高之妻。隨任漢中。同治二年八月二十日，漢中城陷，隨夫並一女三貴同日殉難。

馬馬氏。建昌鎮馬慶豐之次女，甘肅提督馬騰龍長孫媳，光祿寺署正馬元齡之媳，漢中鎮標留壩營把總馬舜年妻。隨任漢中。同治二年八月二十日，城陷，並一子添壽，二女大寶、二寶同日殉難。

馬買氏。買玉之長女，漢中鎮標中營千總馬永年妻。隨任漢中。同治二年八月二十日，府城陷，殉節。其夫於二十三日在城固縣戰亡，賜襲雲騎尉。

米馬氏。馬文德次女，甘肅提督馬騰龍之胞妹，米聯星之妻。隨夫至漢中府探親。同治二年八月二十日，城陷，同夫殉難。

閔馬氏。甘肅提督馬騰龍之女，廣東潮州鎮閔懷希次媳，軍右千總閔正鴻妻。隨夫至漢中探親。同治二年八月二十日，城陷殉難。

閔馬氏。甘肅提督馬騰龍次孫女，漢鳳營外委馬元高女，軍右千總閔正鴻之媳，閔松青之妻。隨夫至漢中省親。同治二年八月二十日，城陷，同女有姑殉難。

馬馬氏。馬奎女，署馬邊協馬懷珍之胞妹，雲騎尉馬永和妻。隨父至漢中探親，府城失陷，殉節。其夫先在安徽軍營病故。卹廕八品監。

黃烈婦。秦人黃炳忠避逆猗之亂，夫婦逃入川境，流寓邑之金泉場。

炳忠出，婦闔戶自縊。鄰里報驗，於身畔得書，言其夫出外訪舊，約以三日不還，各尋生路，今過期矣，因自殺以完貞潔。年二十三。

梁鍾氏。鍾志林女，名玉英，梁楨祥妻。遇人不淑，懼爲狂且所辱，自投於水缸死，年纔十八。

孫沈氏。成都人，幕友孫浚妻。事翁姑以孝謹聞。咸豐年間隨夫遊幕石柱廳，夫又應岳池聘，氏未同往。髮逆石達開由湖北竄，陷石柱，氏隨難民避入大坪山中。一日，噪賊至，衆又奔徙他所，氏不動，子與僕勸其速行，氏指一井曰：「此我避賊地也，汝輩可自逃命。」子與僕不忍去，氏因給之曰：「汝等可先看他所能避賊否？」子與僕去後，氏遂翻身投井，及子與僕返而氏已殞矣。乃共曳起，藁葬，年四十有三。時同治元年正月二十六日也。當道集請旌表。子一，名恒。

楊康氏。氏成都庠生康必浩之姪女，處士楊秋泉之妻。秋泉歿後，家貧守節，隨姑許往丹稜探親，寓居學署。咸豐十年，滇匪陷丹稜，氏與其姑同赴文廟洋池以死。當由地方官具報請旌。

毛衡女。美容色，遭賊亂被執，女拒不從，強昇以行。約五里許，過江邊，飛身投水而死。

袁登明妻某氏。成都人，某氏女。年十八，適登明。登明嗜博蒲破家，乃攜氏往郫邑三道堰^①，賃茅屋居。氏去爲人傭，轉以給其夫，登明旋爲小偷，被傷病死，氏年甫二十餘。鄰人有豔其美，授意鄰嫗，欲以數十金娶爲妾者。氏聞大冒，繼念其人素強橫，恐擾其怒，將被辱。越五日，遂投水死，惜無知其母家姓氏者，未請旌。

① 三道堰：原作「三導堰」，據本志卷一《堤堰》所載改。